

北洋官報

目

宮門抄
上諭

錄

奏請○直督奏請獎辦理洋務期滿各員摺△又奏請獎
道員片△署東撫孫奏籌辦憲政情形摺
公牘○滄州稟一件△任邱縣監生稟一件
文告四則△電報九則△新聞七則
彙編○光緒三十四年郵政事務情形總論

本局第一百六十六期法政學報已出

宮門抄

六月二十日 法部 大理院 廂紅旗值日 榮公假滿請 安並謝 賞廕生 恩 孫中堂續假

十日 內務府奏派二十四日致祭 昭顯廟 派出景豐 召見軍機

諭

六月二十日內閣奉

上諭前據陳夔龍電奏湖北霪潦為災當經諭令陳夔龍督飭分別情形妥為撫恤茲據查明電奏荊州屬之公安石首江陵漢陽屬之沔陽災情最重饑民蕩析離居慘不忍觀餘如漢陽屬之夏口廳漢川孝感安陸屬之天門潛江荊州屬之監利德安屬之應城黃州屬之黃岡等處及枝江松滋黃梅蘄水蘄州嘉魚漢陽黃陂等處亦多被淹等語覽奏殊堪憫惻加恩著發內帑銀六萬兩由度支部迅速撥給並照所請除有關京餉等項無庸動撥外其餘無論何款先其所急設法籌撥銀二十萬兩著該督派委委員前往災區切實散放務令實惠均沾毋任失所用副朝廷軫念災黎至意餘著照所議辦理該部知道欽此

奏議錄要

署直隸總督那奏請獎辦理洋務期滿各員摺

奏爲北洋辦理洋務又屆三年期滿謹將尤爲出力各員酌擬獎叙恭摺仰祈

聖鑒事竊查吏部奏定變通洋

務保獎章程內開光緒十二年十月奏定章程隨同南北洋大臣專辦洋務人員自差委之日起扣滿三年請獎其員數以十員爲率等語竊維近年交涉之困難視二十年前何啻百倍各省洋務人員爲督撫分任肩措置雖在一方利害實關大局若僅等諸局務勞績似不足以示鼓勵擬請嗣後各省常年洋務出力人員三年期滿應准其於十名之外各酌保異常常數員沿江沿海省分兩項併計統不得過二十員等因轉行遵照在案茲據北洋洋務局詳稱自光緒三十一年保獎之後除常年洋務出力外如德日各國撤退軍隊收回營口地方新奉鐵路以及查拿高林暨新關查獲大批軍火等案無一不關繫大局此外如展拓租界編譯約章在在胥關緊要在事之員始終勤奮勞怨不渝用能輯睦邦交潛消隱患循案擇尤請獎以重外交計自三十一年八月初一日起至三十四年七月底止又屆三年期滿查各員辦事出力當差三年者約有二十員謹就各員中擇其供差已逾三年而辦事最爲出力者按照異常尋常擬請獎勵兩項併計尙與新章相符詳請 奏獎前來前督臣楊士驥未及核辦奴才到任接交查天津爲北洋第一口岸交涉之繁向甲各省近年租界廣闊輪軌四達不獨爲商務總匯之區且爲各國官民薈萃之所中外交接事件日以繁多必須遇事詳籌始克臻於妥善在事各員奮勉從公和衷商辦誠不無微勞足錄此次遵章請獎實係釐剔再三委無絲毫冒濫謹繕清單恭呈 御覽合無仰懇 天恩俯准照擬給獎以資激勵除飭取各該員履歷分咨外務部吏部查照外理合恭摺具 奏伏乞

皇上聖鑒訓示謹 奏宣統元年六月十六日奉 硃批該部議奏單併發欽此

謹將遵章請獎北洋辦理洋務三年屆滿尤爲出力各員開具清單恭呈 御覽 升缺後加頭品頂戴二品銜

津海關道蔡紹基擬請

賞給三代一品封典

二品銜直隸補用道現署吉林西路兵備道顏世清擬請升缺

後 賞加頭品頂戴

保送知府後以道員用翰林院檢討金邦平擬請俟歸道班後

賞加二品銜 江蘇

補用道馮國勳擬請

賞加二品銜 留直補用知府金采擬請免補本班以道員仍留原省補用 指分廣西

試用知府李光亨擬請俟得缺後以道員用 分省試用運同劉洪禮擬請免補本班以知府仍分省歸候補班補

用 補用遊擊蔡廷幹擬請免補本班以參將補用 通判職銜唐石頑洗應勳楊毓輝等三員均擬請以通判不

論雙單月選用 分省補用知縣徐遠擬請免補本班以直隸州知州仍分省補用 州同職銜馬聲啓擬請以州

同不論雙單月選用 州判職銜張式文擬請以州判不論雙單月選用 直隸試用縣丞居賢舉直隸補用縣丞

潘傳笏均擬請免補本班以知縣仍留原省補用 縣丞職銜王元愷擬請以縣丞不論雙單月選用奉 硃批

覽欽此

又奏請獎辦理洋務出力道員片

再查接管卷內北洋洋務局請獎辦理洋務出力各員案內查有二品銜留直補用道錢明訓二品銜留直補用道程經世直隸補用道左運璣等三員辦理洋務已逾三年於中外一切交涉事件及商工要政均能悉心贊畫勞怨不渝動合機宜有裨大局實屬異常出力之員北洋交涉日益繁重辦理洋務需員較多此次獎案前督臣楊士驤未及核辦奴才接交後遵照定章嚴加釐剔除開軍專摺 奏請獎勵外其錢明訓程經世左運璣等三員均係辦事最多異常出力尤未便沒其微勞應如何 恩施以示鼓勵之處出自 聖裁謹附片陳請伏乞 聖鑒訓示謹 奏同日奉 硃批錢明訓等均著交軍機處存記欽此

署理山東巡撫孫寶琦署理兩廣總督山東巡撫袁樹勛奏籌辦憲政情形摺

奏為遵 旨會奏籌辦憲政情形恭摺具陳仰祈

聖鑒事竊臣等恭讀光緒三十四年八月初一日

諭旨逐年應行籌備事宜必須秉公認真次第推行各部院領袖堂官各督撫及府尹遇有交替後任人員應會同前任將前任辦理情形詳細奏明以期各有考成等因欽遵在案臣寶琦於本年六月初六日馳抵山東濟南省城業將接篆任事日期據實奏報迭次會晤臣樹勛商推目前應行籌辦各事宜查據案卷證以事實復遵上年會同

詳奏之

諭旨謹爲我

皇上縷陳之查原奏期限清單第一年期督撫所應辦者祇一項第二年期督撫

所應辦者共八項臣樹勛於本年二月間遵照憲政編查館奏定考核科章程業將第一年期所已籌辦及第二期應籌辦而已預備者專摺奏陳奉 旨欽遵在案自茲以後本年上屆截至六月爲止照章應俟八月內分別

奏咨惟現當交替之時所有辦理詳細情形臣樹勛智慮多疏僅植初基於一篑臣寶琦涓埃未報敢虛逝景於九年蒞事有後先而責任無輕重此微臣意見所同上煩 聖明鑒擇者也查第二年期督撫應辦者八項一曰舉行諮議局選舉東省於上年十一月派司選員分赴十府三直隸州先之以演講繼之以調查又督飭各州縣分辦

爲三期一爲選舉人名册告成之期二爲選舉人名經審查判定清册告成之期三爲初選舉投票之期其間勸懲互施於急進之中尤以力除騷擾爲第一義四月初一日初選舉一律告竣該處員紳以事機已熟復選舉事務較

簡遂將原定六月複選之期提前於五月初十日舉行亦一律告竣被舉議員照章山東一百名加駐防三名均經該處開單詳送現正在照章造册分咨其諮議局所亦已開工並派在籍度支部主事石金聲監理工程經臣樹勛

附片奏明在案計至七月該局所即可工竣被舉議員尙可在局先期研究以資預備此籌辦已竣者一也一曰籌辦城鎮鄉地方自治設立自治研究所東省遵照定章此項籌備事宜卽飭由諮議局籌辦處兼理以資撙節又於

省城設自治研究所本年二月初一日開課亦經臣樹勛奏明在案其時部章尙未頒行而該所所定年期及講習科目不無出入迭經臣樹勛咨商憲政編查館以期變通而裨事實如推廣省城研究所區域第二屆所應辦者分

設於各府直隸州則造就多而經費少於定章無背於地方有益他如編制調查區域表編輯自治淺說廣設宣講社凡可以助進行者均督飭該處分別飭辦此遵章籌辦者二也一曰調查各省人戶總數查照部章本爲巡警道

專責而期限清單則曰督撫同辦是督撫本有督催之責除已照章派巡警道爲調查總監督外並飭將章程告示通行各屬迭據詳稱各州縣均已劃定區域選派調查並擬有調查施行細則卽照部頒戶數口數定式分別刊發

依期填註現在尙未屆期應由臣寶琦嚴查督催以免貽誤東省曹濟各屬向辦清鄉頗有成效調查戶口細按章程亦清鄉事宜內所必有以原有之習慣而行以劃一之章程與新政相輔而行有藉於清查戶口者關係甚大此

遵章籌辦者三也一曰調查各省歲出入總數查東省清理財政局於閏二月間開局分派辦事員司亦經臣樹勛

奏明有案嗣據該局詳擬章程以爲清理之次第先從調查入手自係不易之法已分擬冊表分行各屬局所飭令分造上年歲出入報告冊及本年出入月報冊節經各處造送一俟彙齊審定即行分別咨部查核此事關係最重頭緒亦最繁臣樹勛於二月間奏陳東省財政困難大概情形以爲不能開源不能不從事於節流化無用爲有用移無益爲有益來日方長泉源苦竭清理者僅整頓財政入手一端究應如何亟定幣制蘇息民艱臣樹勛前曾兩次奏陳銅元流弊及治標數策居中央以定四方賴手足以扞頭目爲救時之要策亦理財之歸墟此遵章籌辦者四也一曰籌辦省城商埠等處各級審判廳查司法獨立爲吾國現行財政一大變更自非通盤籌畫則事倍而功或不半財傷而民亦愈勞臣樹勛業於本年五月內詳細奏陳以爲此項各級審判成立按照法院編制法所設各員每一州縣歲需俸薪一項已在三萬兩左右合全國各府廳州縣計歲費約五千萬兩建築尙不在內 國家無此人才抑亦無此財力且求之事實既慮事務簡而冗散轉多且恐機關紛而事權不一擬請於府直隸州設立地方審判廳一所而於有轄地之府及廳州縣設立之初級審判廳一所或二所似此量爲轉移事實固無窒礙且預算全國此項經費可銳減十分之九有奇而法院編制法初級審判止能審判二百兩以下之民事應改爲以五千兩以下爲限監禁一年以下之刑事應改爲以十年以下爲限斟酌變通按之吾國風俗習慣均尙相合庶司法獨立之實可以逐漸推行事關全國審判利害相權仍懇 敕下各部院衙門查照前摺核議以利施行至提綱挈領在省城設立審判籌辦處爲必不容緩五月間亦已開辦其審判人才之養成則於東省法政學堂附設法政講習科逐年增加爲審判官之預備均經另摺奏明在案至審判地所之分配審判經費之預備已一面派員分赴調查爲設置之計畫此遵章籌辦者五也一曰創設廳州縣簡易識字學塾查此項學塾非推及於僻壤遐陬則立教不溥非先之於通都大邑則取法無由據提學使詳稱先於省城設立十處以爲之倡本年五月開學並附設閱報所應需簡字課本擇淺近簡明者三千餘字暫備講授俟學部頒布簡易識字國民必讀各課本再行遵用以歸一律該司並於每星期邀集各堂教習至署研究教授管理諸法並以日本當日維新首先提倡明儒王守仁良知之學特令各教習互相討論務期實踐不尙空談以之自勉勉人庶將來童蒙多識一字即多一一致知之用地方多人識字即多一明理之人此遵章籌辦者六也一曰廳州縣巡警年內粗具規模查東省於光緒二十九年升任

撫臣周馥參照直隸辦法開辦警務學堂奏咨有案三十二年又經前升任撫臣楊士驥奏請於兗曹兩府分設巡警學堂一所奉部覆暫行試辦臣自上年到任後節經查照新章論飭改爲高等巡警學堂並在省城照章先設巡警教練所一處兗曹兩府巡警學堂擬俟學生畢業即行裁撤各等情均於本年二月間奏明在案惟東省巡警雖設專官各廳州縣亦經派有區巡等職遵章開辦歷有數年然形勢精神尙宜力求完備良以居此官者旣用非所習奉斯職者輒見異思遷節經督飭巡警道擬定各項章程分別改良並派員分赴各屬調查以資考核應由臣寶琦按照期限切實督催爲警界放一綫之光明卽地方受一分之公益此遵章籌辦者七也以上七項除諮議局選舉已按期辦竣外又資政院選舉尙未頒布不在此數其餘或已立基礎或甫在經營應辦者必辦不敢避急切之名未籌者當籌更非有遷延之見譬之羣川赴壑沮洳亦與同趨萬馬奔蹄駑駘因而策步所有臣樹勛交替以前遵照籌備清單辦理情形由臣寶琦會同詳奏各緣由是否有當理合恭摺具陳再此摺係臣樹勛主稿會同臣寶琦辦理臣樹勛並擬於本月十三日自省起程至青島候船航海南下紆道至江甯會晤調任兩江督臣張人駿面商一切再行赴粵合併聲明伏乞

皇上聖鑒謹 奏宣統元年六月十六日奉

硃批該衙門知道欽此

公牘錄要

滄州萬牧和寅稟接辦警務切實整頓文並批

敬稟者竊維巡警爲內治要政迭奉警務處頒發章程凡所規定無不籌畫盡善期於弊絕風清當此時事多艱預備立憲之際尤宜實力奉行以樹基礎不宜因循延誤稍事敷衍卑職自本年二月蒞任以來迄今三月城鄉警務節經卑職周歷察看城關規模粗具四鄉則散漫無紀現擬切實改良認真整頓總以實事求是爲主不敢自欺欺人謹將辦理一切情形爲 憲台觀縷陳之伏查滄州城內原有巡警總局一處內附設傳習所現遵新章改爲教練所係巡官鄧天秩兼充教員該員由北洋警務畢業辦事穩練切實耐勞城關巡警四十名馬巡十名均屬年力富強操法整齊日夜輪流站崗亦尙具有精神惟查四鄉巡兵卑前署州趙牧惟慶創辦之時係按村莊之大小定巡兵之多寡或一名或二三名不等共計三百八十五名散處各村無人管束且皆未經傳習不知警章原定區域

五十三區係就舊有五十三舖改名爲區本屬一時權宜之計四鄉雖分九局實則並未設立不過徒有其名區長現僅二人管理南北兩鄉鞭長莫及以故巡兵零星散漫紀律毫無且巡兵之中良莠不一其良懦者不過家居坐食虛糜餉糧其狡黠者甚且違犯警章時滋事端巡兵之自由日甚地方之貽害無窮若不亟圖補救弊害伊於胡底此在昔警務之實在情形也現擬遵照定章劃定區域按東西南北四鄉每鄉設一分局各派區長一員駐之每局劃分五區每區擇要設一巡所額定巡兵十二名擇其優者充爲巡長除第一區各有區長駐紮外餘則每區派一巡長以資管束合計每局五區共設巡兵六十名四局共巡兵二百四十名各區劃分線路歸各局區區長巡長督率巡兵日夜輪流梭巡並於各局內設巡記一名管理出入賬目文件諸事馬巡一名專司來往巡邏傳遞信息均於巡兵內挑選而統受制於總局巡官如此層層管束節節靈通機關悉備可免散漫無紀之弊且經界分明各有專責巡兵之勤怠易於稽查成效之有無即可分判此劃分區域設立局所之實在情形也額定巡兵二百四十名先就舊有之三百八十五名於五月初十日調集城內總局擇其身家清白粗識字義年力強壯向無劣跡不染嗜好者留之取具保結給予驗單爲憑其不合格者一律黜退不足額則另行招募此二百四十名擬分四班教練在二十區內每區十二名之中酌取三名共六十名定於六月初十日開第一班在教練所遵照定章依法教練遵照章程六月畢業其未入所者遣赴各區巡邏當差暫由各該區區長分期調至分局教以最要警章及兵式體操俾得粗知大要不至毫無知識待後輪流到班再行調所教練以次遞推如此則巡警皆受教育成爲有用之材此挑選巡警挨次教練之實在情形也前任原定餉章城內步巡每名月支京錢九吊鄉則僅止六吊軍衣等費在外約計每名月籌京錢七吊由村正副就舊有青苗會支更費等項內按戶籌捐收齊後交由舖董經手開支一應出入各款未據稟明有案歲出歲入亦不報銷以故州署無可稽考然巡兵之口糧既寡俯仰之日用何資彼既內顧增憂又安望其出力自應酌量加增以示體恤惟民間之財力有限尤應通盤籌畫庶幾事可經久免滋流弊今擬步巡每名月給口糧京錢九吊操衣等項在內巡記巡長各加京錢三吊馬巡四名每名月給馬乾京錢九吊外如各局區長薪水伙夫工食燈油紙張以及一切雜費合計預算以原籌之數核之出入正足相抵應仍照舊按村莊原籌兵數核算每名每月籌交九六京錢七吊按正四七十四季首照舊責成各該村正副等如數收齊送交

區董處彙齊交由本城總局經收掣付收據每月由總局發給各區巡兵並開支一切將出入各款在於分局榜示俾衆周知以昭大信年終造冊報銷以憑稽考如此一轉移間兵數雖較減少皆爲有用民間所出警費並不加多該村正副等照舊籌捐亦無爲難之處然事事均歸實際款不虛糜實於地方民生均有裨益此卑職通盤籌畫減兵增餉切實整頓之實在情形也以上諸端前蒙警務處委員下州考驗巡警并於四月間開會提議卑職與林委員暨諸員董公同商榷意見均屬相同除分別示諭並將未盡事宜由卑職隨時稟請 示遵暨督率員董等認真經理以期進步而收成效外所有卑職接辦警務切實整頓緣由是否有當理合稟請 大帥查核俯賜示遵實爲公便肅此具稟恭請 勛安伏乞 垂鑒

督憲那 批據稟已悉仰警務處核飭遵照此繳

任邱縣監生李樹田等稟懇派砲船維固欽隄文並批

爲遵照舊章懇 恩賞派砲船以維固欽隄事竊自同治七年漳沱河改舊道獻縣河間縣肅寧縣任邱縣雄縣文安縣霸州保定縣大城縣盡成澤國後蒙李文忠公念民情困苦不堪其命既設法賑撫又奏請修隄乃派史道憲相地修築是謂欽隄俗稱千里隄隄成河間等九州縣始免水患每逢河漲隄南人屢次盜挖史道憲乃請栽植樹木以護隄身繼請文忠公派遣砲船以資防衛自庚子迄今無大水而砲船亦不往守於是隄南之人乃處心積慮千方毀圮去歲斫伐樹木即顯欲敗壞隄身之意生等曾來轅公稟蒙楊文敬公批云千里隄栽植樹木以防風浪之冲併備樁料之用何能以籌辦警費爲名輕議斫伐以貽後患云云生等伏思既萌此念必難中止萬一河水漲發隄南人仍必襲用險計竊毀盜挖苟無砲船爲之彈壓塗炭生命委棄財產頃刻之間九州淪沒甚則兩造械鬪復蹈前轍而 國家又須賑濟以糜帑藏既難保文忠公之政績又無以慰 中堂愛民如子之心故敢來轅稟陳叩乞賞派砲船常川駐紮以爲防守施行曷勝熬戴之至

督憲那 批據稟已悉前據清河李道具稟請派砲船步隊防守千里隄已分行天津張鎮李統帶天保分別酌量撥往防守此時計可到防仰清河道督率認真守護毋稍疎虞抄稟批發

文告錄要

督憲批示錄要○支應局詳上海電政局二成報効銀兩分別改撥用款並請示辦理由 批如詳辦理陳倅等二員薪水應即停止所有停止上海高等實業學堂經費一款仰即另行具詳以憑核咨至防費不敷之款暫在路利項下借支俟籌定辦法另行飭遵此繳單存

藩台牌示○保定府缺擬委候補知府巴杭額代理○大名府缺擬委候補知府張道源代理○宣化府缺擬委保安州知州呂懋光暫行兼護○天津府缺擬委候補知府延齡代理○河間府缺擬委候補知府劉思鑑代理○清苑縣教諭王正倫丁母憂遺缺委候補教諭史啓瑞署理

保定工巡總局批示○興立成錢糧店李印元具稟一案 批獲賊王玉珂業經委員迭次提訊並未供有行竊該舖情事察核供詞尚非狡卸所有該舖竊案應候另緝正賊真贓務獲究辦可也

直隸警務處批示○任邱縣水區村正副張金懷等具稟一案 批據稟懇請飭縣傳集該縣水鄉鎮董村正副會議更正局區一案並稟稱警董李錫祜種種劣跡仰候札行該縣分別詳查秉公核辦應即回籍聽候此批

電報錄要

路透電○英皇設筵款待俄皇并其后彼此舉杯爲壽英皇演說予甚歡悅俄皇此次得閱至大之艦隊（防護本

國艦隊與大西洋艦隊聯合）并深信俄皇對此艦隊決不因該艦隊向未聯合謂英國有備戰之心實爲保護英國沿海并商務以及和平大局俄皇答言予見英國防護本國并大西洋兩艦隊甚爲感動足證英國之勢力

俄外部大臣在英國克威斯地方接見日日電報代表員宣言英俄兩國日見親密實爲保守歐洲和平之局

又電○英京太晤士報駐華盛頓訪員報告美國海軍中將塞布利氏於西九月九號率領裝甲巡洋艦八艘由舊金山啓旋遊歷遠東先到檀香山阿德米拉底島并小呂宋一遊然後分兩艦往香港兩艦往吳淞兩艦往神戶

兩艦往橫濱於明年西一月在橫濱聚集即啓旋回舊金山

又電○英政府派陸軍大將瓦克爾氏爲駐地中海大臣以代堪納德大公爵之任并仍兼充智布拉陀（西班牙南部港口）總督

柏林電○德國首相赫洛威克氏在柏林接見法國外交員該員承遞法外部大臣比昌氏致赫氏之賀詞赫氏謂

予甚願與法國邦交日見親密云

又電○摩洛哥國喀比利斯族人現離米利拉地方甚近西班牙國巴爾斯林納地方砲隊與亂黨巷戰亂黨均投降現西國亂事已平西政府擬嚴懲首要聞英奧義三國駐巴爾斯林納領事均請本國派兵艦至西以便保護

又電○德首相赫洛威克氏擬於西九月赴奧京覲見奧皇并與奧外部大臣阿蘭沙爾男爵晤

又電○英國艦隊由利斯奔(葡京)啓旋開往西國智布拉陀港

又電○德國塞普林伯爵乘坐汽艇在空中飛行十二小時風力甚大現至福蘭克非洛地方陪觀汽艇賽會該處

官民極力歡迎

又電○英俄兩國現在會議波斯國攝政問題(波斯新王年幼)

議事會復選舉名單○第二次選舉天津縣議事會議員復選舉當選人姓名票數已將前三十名登十七日本報

新政紀聞

政治

茲因前報未列票數且有一二誤字故將全單照錄如下 分揀 趙承恩六四 劉光錫五五 趙椿齡四十

石元士四一 孫洪伊五三 李學曾四九 范從周四九 王吟川五六 合揀 李士銘六二 劉孟揚

五七 王新銘五五 李鎮桐五五 甯存恕五三 李培藻四九 李宗政四八 蘇式燕四八 高慶雲四

七 楊希曾四七 溫世霖四六 閻鴻業四六 盧翰章四五 蕭士銓四四 劉景琛四三 樊兆鵬四

二 周景頤四二 許權四一 溫長綸四十 孫鴻賓四十 劉家麟三八 邱作山三六 季長泰三六

楊恩壽三六 穆文敬三六 周文俊三六 左兆榕三四 劉鍾霖三四 黃濤 三四 齊鼎升三四 李

培三四 宋春霖三四 李德清三三 趙炳麟三一 蘇兆瀾三一 梁逢中三一 劉鴻翔三一 李兆奎

三一 鄭秉符三十 張嘉鈺三十 石蔚文二九 馬椿二九 李寶誠二九 周汝珍二八 宋壽恒二八

董春霖二八 軋春瀛二七 陳翰卿二六 林兆翰二六 劉錫彤二六 何宗翰二五 劉恩澤二五

郭錦書二三 宋鴻賓二二 朱聚誠二二 房紹謙二二 張炳臣二二 張濬川二二 劉恩鴻二二 杜

寶楨二一 邵德成二一 范士珍二 周作元一九 張元英一九 高振基一九 李駿聲一九 王從周一八 徐延壽一八 謝惠鈔一七 陳忠一七 孫孫殿元一七 劉作湧一七 劉鳳詔一七 張束紳一七 高春第一六 吳毓德一六 劉樹雲一五 田樹棠一五 韓文錦一五 方城一五 楊金鏞一五 劉承蔭一五 趙昱元一四 韓金榜一四 李廣旺二三 馬瑗二三 岳鵬程一三 陳自彬一三 方恕明一二 李德澤一一 蘇兆奎一一 張汝翼一一 劉建一 韓永立一 柴永璋一 宋琪一 孫士銜九 杜振虎九 夏宗虞九 劉景嵐九 楊國棟九 閆振廷八 何宗賢八 劉東橋八 楊春泰八 孫來學八 胡雲龍七 楊廣懷七 孫振鏞七 孫平怡七 周彤輝七 韓桂圃七 田式雯七 趙炳辰七 張玉田七 孫金鑑七 李雲章六 邢家霖六 劉鳳輝六 劉士英六 趙衡元六 楊雯六 李光第六 田蘊璋五 孫有本四 李樹德三 李思存 三

學務

鐵嶺四鄉將設女學○奉天鐵嶺學堂林立男學占其多數女學不及男學十分之一勸學所前已屢催各區村董開辦茲聞西南區某某村董均擬於暑假後在村添設女學一所刻正在組織一切俟有端倪即稟請勸學所轉詳提學司立案云

公立中校開美術展覽會○蘇垣草橋公立中學校開辦以來於教育一方面力圖進行本年正月曾開成續展覽會一次譽冠一時茲悉該校蔣監督復將各生書算手工標本彙齊校內即於十六日續開美術展覽會預發入場券任人觀覽

軍政

籌辦海軍事務處成立○洵貝勒以海軍部事務紛繁非有得力海軍人員不足以資治理現特派電燈公司總辦馮公度等為籌辦海軍事務處頭等正科員已於日前到差所有木質關防均於十二日在石駙馬大街東口海軍事務處開用云

籌議添設河口防營○湖北襄陽鄖陽兩府為上游門戶自襄郡以上山川綿亘道里遼闊素為匪徒淵藪該兩府

僅有左路巡防隊一營分哨駐紮兵力甚單一遇有事調集固屬不敷而由省派兵又勞師殫財現經陳筱帥詳加審察就地勢而論尚須添募防兵二營分駐所屬各要隘但餉項支絀籌款不易是以擬添募步隊一營駐紮河口鎮該鎮舟車往來商務繁盛就地籌餉必易爲力爰札飭光化縣延集紳商妥籌集款之策計募兵一營常年需費若干紳商能認集若干會議後稟覆核奪

財政

整頓銀色之示諭○京師內外城巡警總廳出示曉諭云前據商務總會稟稱據匯兌莊金銀號商會呈請整頓銀色官款通用一律提高不準兩歧以杜流弊而弭後患稟請諭飭等情前來查銀兩本以足色爲準卽不應有高下之分徒以商家利逐輻銖成色之說因之而生積久相沿遂成習慣馴致參差不一視爲固常貼現既足病商私銷復無已日京師商務殷繁此弊尤甚前於同治十二年間經五城察院因銀色低次示諭整理劃一不二成效昭然乃日久弊生近來低次之銀又復雜見既經度支部核定上庫成色示諭提足又經各該商等互相提議自應設法一律提高何得以官款通用妄爲分別須知銀色低次本爲定制所不容更爲流弊所從出本總廳有整齊市政之責爲此示諭知悉自示之後無論官款通用均須遵照部定成色一律提高並著各鑪房遵照向章呈遞銀樣存廳以後按月將所化之銀呈驗不得圖利歧異其現存低銀自六月至九月每月提高一成以後每半月提高一成至十二月一律提足勿再攙雜行使致干查究 附暫定各鑪房提高銀色辦法 此次出示之後凡新化之銀以度支部核定上庫足色爲准不得低次 舊存次銀自六月十五日至月底半月提高一成七月至九月初一日至月底每月提高一成十月以後初一日至十五日每半月提高一成至十二月全數提足六月十五日以後凡各商以現銀交兌者均須遵照前條所定期限按成提高出入一律如有成色不足卽須公估貼色以昭公允 各商出入既規定一律凡有銀票及賬目撥兌者卽已含有按期按成提高性質但非現銀往來者仍無須貼色 京師各鑪房化出提高新銀某號所化者卽鑿明某號字號以爲化認 此次分期提足後凡有鑿明某鑪房字號之銀無論再交何鑪房融化均不得巧立貼色名目 外省輸入之銀其確係低次者自應照市貼色如銀色本高者不得以此次提高藉口挑剔 自出示之日起各鑪房須遵照舊章呈遞足色樣銀存於總廳每月將所化之銀呈廳俟市政公益會開會時公同比驗其有驗與樣銀成色不符者由廳酌量懲罰 此次辦法第三條第四條所載俟一律提足後卽行取銷

不能寄裝有銀兩之包裹亦不能擔任保險之信件有此寄送正可補郵政之缺乏據天津報稱民局向來之組織已破所有信件多半係交郵局運送成都郵界現正照秩序之辦法徐圖整頓據報四川境內民局漫衍全省其承辦既久故能帶固根深而且經理完善運赴陝西甘肅及遠西各地方均有極妥之組織漢口一界有四十七家掛號民局營業用有五十至八十名之信夫經過一千七百里之寄路總封信件增至七十七萬之多其故係因光緒三十三年八月之後已有三十二家民局掛號九江據報有二十一家民局營業用有百名之信夫百名投信之人經過寄路六千里寄件約有五十萬件大半均有銀票支票現銀寄往尚未開辦匯票之郵政局上海民局六十九家其內五十二家業已掛號十七家尚未掛號總封之內共寄有信件二百萬據報用有人夫五百名內有三百五十名均辦收信投信之事其餘則在舖內辦事所有上海與蘇州杭州所共之業計有船六十隻諳練之水手一百二十名信夫五十名幫同往來寄遞除民局外更有信客三百五十名由上海至尚無民局地方往來帶寄書信現在快信辦法推行各處口岸且上海居適中之界已整頓時刻及投送之事可恃爲對待民局信客之善法查民局信客確有令人注意之處其一切組織及收信辦法均適主顧之意蘇州有民局五十二家使用船隻大約經運信件一百萬經過寄路一千五百里蘇州杭州兩處尚無總封信件由民局交到郵局可想該兩處之民局必係頑固守舊福州一界有民局二十四家用有信夫七十名經過寄路約八千里惟其營業利益漸少建甯府與建陽府之民局年內業經停閉其餘大半係因寄信之生涯冷落另謀他業廣州據報民局退步衰敗有動目之情形光緒二十七年尚有興盛之民局計七十家現只存有三十五家無論何處其減少之象可以概見全昌仁係北方最大之民局光緒二十七年有極壯觀之舖店現在改爲客棧又有五家係極有勢力極其興旺之大民局今則并爲一小家已停收發信件之事南方之民局光緒二十七年尚有四十七家現只存有二十四家因僅恃寄信生理不敷日用是以兼售彩票菸草以補其虧廣州內地民局內計佛山六家用有二十七名之信夫每月寄送書信八千件陳村民局二家用有信夫六名羊額民局一家用有信夫十四名每月寄送書信一千二百件水洲民局三家用有信夫十四名每月寄送書信七千五百件雖郵政較之加快一日然猶用民局之人以便輸送銀款珠江各港汊內之小輪渡船其水手多以私帶信件爲業然該處一帶之郵局每月所經辦之信件猶增至十萬餘件此殆大有碍於

民局之生業蒙自據報民局三家因禁鴉片之故受虧甚鉅緣其向來進款最大之源多係匯送鴉片之變價每月三次送信於四川叙州府程期由十二天至十五天每信資費制錢三百文包裹每劬資費銀一錢輸送銀兩之時每百兩匯費一兩照此推算

第五節

與他國郵政交涉事宜

查與他國交涉均甚和睦是年上海郵局設有總所遇有外洋信件由他國郵局請爲銷改信面題簽即歸該所辦理其法係遵照郵會詳細章程第三十一條施行已由瑞士京城聯郵總署代爲照會各國郵政中國郵票之色現有幾種已經更改以便與郵會所用者無殊此節向後仍當詳論中俄互寄郵件章程早經提議惜上年俄國駐京大臣璞科第卽世遂致延誤到今幸卒得竣事此外與他國亦有訂此項章程之議卽如與日本則擬訂互交郵件包裹兩項章程與英屬之香港擬訂包裹章程凡在中國各處所開之外國郵政均係照舊辦理而外國郵局在東三省者尤多俄在哈爾濱寬城子東清鐵路某某車站均設有實行之郵政局派有兵撥往來京哈帶送俄國政府文移其俄華銀行於寬城子吉林府之間立有通運之專法其在奉天安東及東三省各要埠設有日本郵政局在南滿鐵路及安東等鐵路各處亦有日本郵政局用鐵路公司執事人爲郵政代辦其香港郵政於光緒三十一年在天津所設之分局因公事深受重虧擬於光緒三十三年停閉惟以英國工部局協助預算所虧之款（七千五百元）由工部局擔至光緒三十四年西歷十月爲止及至是年西歷九月該分局又幾關閉惟工部局轉蒙英政府贊助得以對於港政府代爲擔任補償預算之款（八千八百元）於是該分局可延至宣統元年九月底猶能支拄是年西歷十月內天津德國人停止塘沽所設往來軍件之兵撥現在祇用中國郵政局是年英國隨營郵局總監已回印度其塘沽郵寄之專所移至天津而蘆台唐山海關之局所全行關閉其在煙台日本郵政局設有郵政儲蓄銀所頗爲人所喜用德國則於其地設有電話電報處所生意頗旺其在重慶據報該處法國郵政局生意冷淡不時卽將閉歇至由外洋輪船寄來之郵件向由中國郵政代爲就地投送者現因折耗巨資爰與德法俄等國改訂章程並望美國不日亦照此章辦理惟有日本人則喜於上海及他處自行經辦投遞之事

救弱靈丹

有患血虧惡症之處女為韋廉士大醫生紅色補丸所救治
 大抵一家之中不免有一遺體軟弱之人爭存於世而貽家中人之憂者矣在昔英國歐采斯德之法笛噓路有裴
 伊士夫人者嘗論其女皮曲理司小姐因患血虧惡症身甚軟弱每日發厥數次觀其形勢業已絕望今則竟成為
 光艷康強之少婦所有一切血虧惡症皆被韋廉士大醫生紅色補丸驅除淨盡而歸於無何有之鄉矣皮曲理司
 裴伊士小姐自術其病狀云○余患血虛之症計三年之久身體軟弱每日發厥輒三四次幾瀕於死因血過虧肉
 消殆盡四支稍有動作便覺氣喘乏力心常志忡若寒冰背覺凜冽冬夏皆然自維體寒若此痛楚難堪心如稿
 木死灰幾無所望又兼胃不消化艱於飲食雖有嘉肴不能享受有時胸痛異常頭痛如刺膽汁不化種之疾苦接
 踵而來令人不堪卒受雖曾試服多藥終毫無所濟人皆謂余不克久居於人世矣余母亦謂兒病若此若聽其



英國女子
 患血虧症
 為韋廉士
 大醫生紅
 色補丸所
 救治

因循而去終非了局當以韋廉士大醫生紅色補丸服之庶幾
 其有豸乎或曰爾何以一日思及此丸而與之試服母應之曰
 吾長女婦甯時見其妹皮曲理司如此病狀則曰母乎盍即以
 韋廉士大醫生紅色補丸與之服食乎請速勿遲吾故思及此
 丸也余即從命服食初覺未見其效及至第三瓶後覺三年內
 被血虛所纏頭痛身弱一切沉痾爽若失爰乃安心連服則見

精神日爽胃口日增雖食堅硬之物亦不憚其不他化身體溫和面轉色澤足證韋廉士大醫生紅色補丸已與我
 鮮紅之新血矣余一生從未覺有如今日之暢爽者若非賴韋廉士大醫生紅色補丸之功不將早為泉下人乎
 韋廉士大醫生紅色補丸已得千萬人之稱頌皆曰愈軟弱無血氣之婦女及乏力患腦筋病之男子均有奇妙之
 功用因其能將枯竭受饑之血管充溢鮮紅稠濃之新血固非他藥所能為也是丸不第能醫治血虧惡症且能醫
 治 腦筋失調 諸虛百損 少年斲喪 陽萎不舉 筋絡刺痛 猪羊癩癩 腎骹痠痛 左癱右瘓 腳氣
 衝心 山林瘴氣 以及婦女 月信不調 經來腹痛等症服之莫不奏效如神

中國各處藥局商店凡經售西藥之處均有代售或直向上海九江路B字第八號 韋廉士醫生藥局總發行
 處購買亦可價銀每六瓶大洋八元每一瓶大洋一元五角 遠近郵費一律不取

上海九江路 第八號 韋廉士醫生藥局啟

北洋官報 第二千一百五十三册 告白

本局印售各種書籍圖畫目錄

澄衷學堂字課圖說

天文歌略

地理歌略

地球語言

小學韻語

蒙養學堂百課

最新初等小學國文教科書

最新中國歷史教科書

心算初學

最新初等小學算數教科書

最新初等小學算術教科書

忠經

東文舉隅

東文典問答

地理學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

二本洋二角

一本洋一角五分

一本洋四分

二本洋三角二分

二本洋一元

二本洋紙洋五角

二冊洋三角六分

合售洋三角六分

一本洋紙洋五分

一本洋二角五分

一本洋二角五分

二本洋五角

二本洋紙洋四角五分

二本洋紙洋五角五分

二本洋紙洋四角

二本洋一元二角

二本洋四角

二本洋紙洋七角五分

一本洋四角

二本洋二角五分

一本洋紙洋四角五分

一本洋紙洋三角五分

一本洋紙洋二角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞

畿輔輿地全圖

畿輔輿地全圖

御製耕織圖

朝鮮輿地全圖

地球開闢次序圖

平圓地球圖

東三省鐵路全圖

一本洋紙洋二角五分

四本洋五角

一本洋紙洋三角五分

一本洋七角

一本洋二角

二本洋三角五分

二本洋四角

二本洋六角

一本洋二角

一本洋五分

一本洋一角五分

一本洋紙洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二冊洋五角

一張洋一角

一冊洋一元

三十二張洋一元

一張洋八角

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參巖等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨

本號開設北京前門外鮮魚口天津估依街中間路北山東濟南府院西路北自置綢緞紗羅縐繡粧蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 鐵銅料器磁藍 奇巧美術玩器 學界文房用品 旋行携帶等件 精工鑿身物料 定織各色膠氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尚望提倡
以救災黎
甘肅士紳同叩

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災
去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾
即成凶禳現被災之區草樹皮掘取殆盡鄉間人口牲畜已多餓斃又接甘省紳士紛紛來函據稱該省不啻十人
相食之慘窮民紛紛逃竄糧價日增麥已漲至每石三十六兩稻草已漲至每斤二十七文視向來不啻十倍
伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督
臣奏上朝廷曾撥帑金六萬散諸災區勢難備給非再有巨款接濟何能救此哀鴻夫天災流行國家代有救
災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣
未復禍機一發何堪設想今日之救甘民請命敬懇仁人君子慨然解囊量力輸助以便彙寄該省活此窮黎庶幾上紓
國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓
朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙
諸大紳商善長慨捐賑款請送至北馬路商務總會擊取收據以便彙解災區散放拯救黎黎不勝盼切之至此佈
天津救急善會謹啟

名醫到津廣告

啓者四川曾建侯大令精岐黃歷在鄂豫京奉各局所當差所至俱以醫名屢起沉痾茲來津寓買家大橋福祿棧
有患病者幸勿失此機會特佈
錢聽彝啓

本

局

廣

告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧頗加獎
譽茲為推廣招徠起
見自本年承印各
項價目格外減讓以
副官商雅意如蒙
賜顧請至本局賬
房面議可也

京奉鐵路局廣告

啓者本鐵路天津至北京又塘沽至胥各莊各段內應行剝換舊道木約
有一萬八千餘根其餘各段約有三四萬根現擬投標出售如願購買每
根出價值若干開列封在信封內寄交本局華收支處彙齊定期開標特
此佈聞
京奉鐵路局謹啓

京張鐵路局廣告

啓者本路由豐台至張家口之車已照常通駛此佈

京張鐵路車務處啓

減價賣字全數助賑廣告

僕寒士也向藉賣字度活今甘省荒旱異常凄慘萬狀日來紳商醫學各
界紛紛倡議助賑接踵繼起實繁有徒殊堪欽佩僕一介窮儒願效綿力
明知杯水車薪無裨時局然義務所在不敢不勉茲擬由六月初十日起
結至九月初十日止計三個月仍仿上年江北水災賣字助賑辦法此次
并照僕曩日原訂潤格切實核減以期簡捷易舉所得潤資全數匯解災
區聊資補救如蒙賜件請送交北馬路華勝燭皂公司或舊北門內永
泰合洋貨鋪及東南城偶保德藥店代為交收潤資先付五日取件茲將
酌減潤格列左

七言楹聯三角
四尺挑山八角
四尺屏幅四扇四角
名戳一角
摺扇二角
密股不書

章武順連城謹啓